



Kommunal- og moderniseringsdepartementet
Postboks 8004 Dep
0030 OSLO

Kommunereforma i Møre og Romsdal - tillegg til tilråding om ny kommunestruktur

Vi viser til fylkesmannen si tilråding om ny kommunestruktur i Møre og Romsdal datert 1.10. 2016.

Fylkesmannen i Møre og Romsdal legg til grunn utgreiingane og konklusjonane i tilrådinga. I det følgande vil vi gjere greie for endringar av vedtak og prosessar i kommunane sidan 1.10. 2016.

Endringar frå 1.07.2016 etter vedtak i kommunane om kommunestruktur

Ørskog kommune:

Ørskog kommunestyre har fatta vedtak i møte 24.11.2016 om å slutte seg til Skodje, Sandøy og Ålesund, og bygge ein ny kommune – **ÅLESUND kommune** . Den nye kommunen får tett på **55 000 innbyggjarar**.

FS-108/16 Vedtak:

Ørskog kommune skal verte ein del av ein ny kommune saman med Skodje, Sandøy og Ålesund frå 01.01.20, jfr. KS-vedtak 72/16 og FS-vedtak 104/16.

Herøy og Sande kommune:

Intensjonsavtale signert 8.12.2016 mellom Sande og Herøy kommune. Arbeidstittel på den nye kommunen er **HAVØY kommune**. Den nye kommunen får om lag **11 500 innbyggjarar**.

Herøy kommune: Kommunestyret har vedteke å legge intensjonsavtalen fram for rådgjevande folkerøysting 27. 02.2017. Endeleg handsaming i saka vert etter planen i kommunestyret 09.03. 2017.

Sande kommune: Kommunestyret har vedteke å legge intensjonsavtalen fram for rådgjevande folkerøysting 27. 02.2017. Endeleg handsaming i saka vert etter planen i kommunestyret 07.03.2017.

Norrdal og Stordal kommune:

Intensjonsavtale signert 13.12. 2016 mellom Norrdal og Stordal kommune. Arbeidstittel på den nye kommunen er **STORFJORD kommune**. Den nye kommunen får tett på **2700 innbyggjarar**.

Norrdal kommune: Intensjonsavtalen ligg ute på høyring ulike stadar frå 22.12.2016 til 18.01. 2017. Saka blir behandla i kommunestyret 26.01. 2017.

Stordal kommune: Stordal kommunestyre tek saka opp til behandling 25.01. 2017.

Fylkesmannen sin kommentar til vedtekne endringar

- ✓ Ørskog kommune har fatta vedtak i tråd med tilrådinga til Fylkesmannen. *Fylkesmannen støttar vedtaket.*
- ✓ Herøy og Sande har blitt samde om ein intensjonsavtale, der begge kommunane skal behandle avtalen først i mars. I tilrådingsdokumentet rår Fylkesmannen til ei samanslåing av desse to kommunane på kort sikt, dersom det ikkje blir semje om ei samanslåing av alle fem kommunane på Søre Sunnmøre no. *Fylkesmannen støttar difor ein slik intensjonsavtale.*
- ✓ Kommunane Norrdal og Stordal arbeide ein periode med å få med seg Ørskog på ein endeleg intensjonsavtale. Når denne løysinga vart forkasta av Ørskog - har no Norrdal og Stordal inngått semje om ein intensjonsavtale som skal behandlast i kommunestyra i løpet av januar. Ei samanslåing av desse to kommunane støttar nok ikkje hovudmåla i kommunereforma, men ei slik samanslåing vil likevel vere eit godt alternativ til fortsette som eigne kommunar. *Fylkesmannen støttar difor ein slik intensjonsavtale.* Fylkesmannen viser elles til utgreiingar og vurderingar i tilrådinga.

Med helsing

Rigmor Brøste
ass. fylkesmann

Vigdis Rotlid Vestad

Dokumentet er elektronisk godkjent og har ingen signatur.

Vedlegg:

- 1 Ørskog kommune - endeleg vedtak
- 2 Kommunane Norrdal og Stordal - intensjonsavtale
- 3 Kommunane Herøy og Sande - intensjonsavtale